

981.53
S1021

溆浦县志

欽定四庫全書

溲浦縣志卷之十四

同知銜署溲浦縣事山右齊德五王修

人物

人物亦難言矣無論間氣所鍾才不世出卽行同曾閔性侔夷魚爲善於鄉民化其俗亦詎易覲然秉懿是好十室必有忠信安見地非名區遂鮮其人溲山峻水清風俗樸厚其制行敦本者皆由性真能勿筆諸簡端爲將來勸第詞歸簡質蘄無溢美使虛浮而多讐言不足傳信亦奚貴焉爰志人物爲第十四

孝友

明

鄧必政字汝通涉獵經史恪盡子道母七十終泣血廬墓虎皆

馴擾人以爲孝感今祀忠義孝弟祠 袁志

鄧希曾邑庠生郡庠兆珠之父也萬厯甲寅三月初七日有虎入室噬其母向氏左膝希曾奮身曳虎尾虎驚釋母跳出隣里聞聲趨救虎逸入水希曾持挺傷虎腰眾共擊斃之校官胡仰明贈詩寵之今祀忠義孝弟祠

黃奉翠家至百口九代同居今祀忠義孝弟祠 袁志

國朝

鄧之珂父啟聖順治初服賈於外爲兵所阻絕無音耗之珂朝夕思慕間關往尋至湖濱夢神告之乃得迎父歸父邁疾篤醫藥不效之珂割股療之後爲成都什邡尉尋轉丞攝縣篆縣多槁壤水利不治爰捐俸數百金鑿山導水溉田千計於

要路建石梁通往來民利賴之故梁與壩俱以鄧公名去之
日民建生祠祀之祀忠義孝弟祠子二長鼎臣次鼐臣鼐臣
養子欽錫亦以孝聞有司給匾旌之 陶志

張嘉韶字夔九乾隆戊午 恩貢性穎悟勤學不倦生平孝友
侍父病衣不解帶者屢月著有學庸直說五經解三禮辨春
秋五傳考南華心解離騷真解悉散佚無存

張嘉顯字申之嘉韶弟也至性孝友兄弟怡怡乾隆丁酉副榜
天資過人詩文皆成一家著有四書句解毛朱合編書經心

解孟子纂要三唐詩說未梓其文與行至今世猶稱之 孝廉邑

荆廷琅張氏友于記琅成童時從從父石渠先生學先生教
人以務本為先嘗誨琅曰人之孝養邑先達頗多至篤於友
愛以成其孝足為士林模範者惟思蒙張氏昆季尤足稱焉
張氏為邑諸生雲峯前輩子長忘其名次嘉韶三嘉顯長理

家事俾兩弟得專於課讀詔顯俱以弱冠入泮旋食餼有聲
巽序每學使臨案有兩張之目雲峯先生老且疾呼詔顯而
告之曰我家地糧止一石汝二人食餼各進一石共三石糧
吾為汝兄弟折居所貽老糧一石分於汝長兄汝二人各自
分新糧一石再給書庫一具二人唯唯書立合分支為據當
時不獨兄弟無異議並妯娌亦無間言其相觀感於平日之
友愛可知也嗣二人以教書為業仁讓雍睦至老弗衰從父
下世今三十年矣誨爾諄諄不敢忘而謹為之記

舒其台家貧食力世父正甲瞽無子傭春為活老益憊台以幼
不逮事父母每為恨乃招與共爨養甚摯先是隣族犬生獾
台乞其一年長大猶識所生犬老病乏食台每飼獾獾大嚼
即奔台不覺也族中兒狎見獾至病犬所唾食以食旬餘皆
然於是羣譁曰斯犬為母送飯來也台乃知其故數年甲死

台殮送盡哀次年台亦卒

邑紳舒正載紀以詩久宦思鄉里人來詢故鄉言我鄉中子至性

敦天常煢煢老諸父奉侍如爺孃朝夕具饘粥出入恒扶將
親戚無間言閭黨稱為良以此孝友心和氣乃致祥鄰舍犬

生獨乞歸一握長餒飼漸長成信信聲滿堂母子接踵返奔
突隔重牆亦知顧復恩尾追如狂嗅喉擣毛骨抱持咋蟲
蟲鄰貧狗復病骨瘦走且僵獨也顧視間意若含悽惶遺羹
亦有術茹吐非柔剛以此報所生乃類烏與羊里人親見之
爲我述其詳聞罷長太息此事當闡揚爲詩寄里門友睦慎
勿忘

劉之福字東川父長相客外離家三月生福稍長詢父所在母
以穉置之及十四歲尋父志益堅潛出里門莫知去向信步
行沿途乞食本省市鎮幾遍三年聞潑民客川者多遂探至
重慶得與父遇數月同歸後相壽九十福壽九十六子一峯
辛亥 恩舉孫卿望邑庠生

孫明安桐木陀人乳名富足甫二歲喪父貧極母改適他氏遷
廣西復徙貴州安成人訪之不得年四十聞母在黎平卽往
徧訪諸潑之客黎平者無的耗因窮究山村日暮迷失道望

燈火投宿見茅屋內一老嫗詢之乃其母迎歸終養焉

舒鳴周四都崑門鄉人其父某以事配烏魯木齊軍周隨行至配所服役數年歸省母復往跋涉數千里沿途乞食備極艱辛卒從父赦還始歸

鄧大秀其父楚耀操舟爲業母蔣氏生秀甫三歲夫妻反目耀客外十餘年無音耗秀年十四以未知父在爲憾仍從船家挽纜訪尋聞父在陝西西安踪跡而至其母先示以容貌形像因相認識抱頭大哭迎歸就養父母和樂如初

劉大春爲鄧楚南養子母龍氏孀居而瞽春傭工奉母每出作必預爲母造飯晚歸視母膳母未食訖春亦不去主家食母以其身爲子累趁春未歸持刀斷頸鄉人報知春趨至大哭

見其血跡淋漓以爲無復生理適門有異人授以方不數日愈人以爲孝所感後春益敬恭奉侍母以壽終

武昌正少孤貧事祖父母及母最孝年四十母攬暗疾醫藥罔效正於患處以口吮之母故所遺污漬之物不忍浣數年猶相對泣己酉饑一弟就賑浦市正聞之枵腹百餘里尋歸田長桐字鳳岡邑庠生家貧好讀書事親以孝聞父早故不忍離母館近地晨昏歸省溫清躬親館中飲饌美者留以奉母母欲與人卽從之兄弟俱早逝諸姪欲輪饒桐弗允年六十餘當炎蒸時恒負母樹下避暑秋初又負母至隴畔望稼母卒時桐已七十孺慕之哀族隣感歎

夏澤林家貧丐食供父數十年如一日父卒婦趙氏生子長庚

方數月因忿自溺先拋子於水中見者走救婦尸譁然移時
買棺收斂始憶先拋子於水至其處撈出已死忽小江渡亭
上一老嫗代爲摩按竟得無恙迄今庚己抱孫家亦小康人
僉謂孝行之報

向志葵母早故事父儒珍最孝有二弟極友愛葵傭工於外積
貲寄弟惟囑以孝養爲重一子早喪不自續爲弟娶婦及父
年耄溫清不離左右父卒年已四十餘乃續娶生一子迄五
十無疾而終

劉士元家貧丐食奉親終身無情容及父母歿人道及猶流涕
賀隆喜承繼昌燕爲嗣家貧父子傭工燕患瘋疾喜傭工不出
鄉朝夕必歸家代父炊爨道光己酉歲歉喜自飲粥爲飯奉

父燕或嗔怒必恭立於牀側俟怒息方敢移步燕年九十一卒喪葬如禮人咸稱道之

劉長瓊字佩存性質直邑庠生以父卒遂棄舉業侍慈幃旋加捐理問銜爲父請 馳贈建宗祠奉事如生與弟長瓚相友愛自少至老出入必偕茅屋圍桑林長嶺坡等處捐田建亭施茶道光己酉歲歉減價平糶捐穀以賑年五十始舉子三諸孫林立卒年九十三

劉長瓚字質存長瓊之弟由邑庠援例貢成均素行謹飭取與公平前邑侯尋廷鳳議修 文廟改立考棚皆瓚董其事後邑侯梁鞏復建置節孝祠培補書院亦以瓚任之性尤友愛與兄瓊及一妹年皆八十餘偕兄省問臨存數十年如一日

鄉中稱式好者以瓊兄弟為勛

張文明兄弟四明居長諸季殷實惟四弟文璽不事家人業產中落每年明給穀以贍不問凶荒朝夕饔飧必呼璽與共璽不至明必不食即家人輩亦不敢食沒齒無異有姪媳苦節而孝姑明恒調恤之

彭昭清性誠篤待弟最厚析產後將己分田畝交弟收租二十餘年弟貧鬻賣殆盡略無怨言

唐思槐字春華與弟光楚析產讓肥受磽倡修宗祠負債家傾卒無悔後孫等兩入邑庠壽八十四歲

舒定芬邑增生性極孝父母年俱八十奉事必躬親母病咳芬以口吮痰如是三五朝及父母卒廬墓哀泣聞者生悲

孫世堯父士賢由社坪鄉遷居城東旋卒母張氏病篤堯侍疾衣不解帶者七十餘日母思肉羹無措因默禱於天割股烹湯以進病尋愈

嚴正紀字記菴積學未售援例捐主簿生父嚴祿以紀爲弟如厚嗣厚妻項氏有廢疾事之以孝聞待子姪如己出延師盡禮歲歉平糶年終視貧乏者給予升斗邑中公事捐貲効力臨財無苟

舒其鈿號鳳溪邑庠生父綏甯訓導正增患末疾盡心服事者七年後事母母失明鈿尤勤懇奉侍備至壯遊幕黔粵吳晉事諸兄極恭謹寬厚無忤於人歲脩所入分遺子姪自黔歸遇賊不與較孑然一身其度量如此

舒國潮性孝友傭工養父母朝夕歸省不倦弟病廢有婦及子女數口皆以傭值養不私一錢愿撲勞苦力田六十年以終舒效池性純篤傭工於族祖家三十餘年忠勤如一日早晚必歸視父母母故哀毀甚年餘寡言笑待伯叔昆弟皆友敬撫孤侄周恤甚至受人託必盡心錢穀無絲毫苟後以家累辭傭行賈於黔以勞疾卒

向人宏性孝友力作耕山土自食麤糲而易精以供母爲弟娶婦而已子身獨處弟與婦因貧就食他方母復病風靡宏奉事至七十餘歲始終匪懈

嚴先招字煥廷未弱冠從軍閩省以功保府經歷十餘載歸母已死以違養罪悲號墓次泣訴靈前日夜如是父阻之乃罷

由是侍父維謹偶出卽反人皆稱其至性之篤

舒之煌性孝母病齒蛀須鴛喙治之時嚴冬遍求弗得煌泣林中三日忽鳥飛入室執之鴛也病遽愈人咸謂孝感所至
鄧萬春家貧父故與母劉氏寄居茶亭傭工爲生每食減半歸以遺母如是數十年逮母卒夜必省視墓所然後歸寢

行義

元

向良嗣至正間處士也樂善好施時土賊楊七等叛亂良嗣率鄉人保於石盤寨賊來攻良嗣擁眾堅守七怒積薪舉火以焚良嗣叩頭籲天忽大雨如注火盡滅七感悟解去今祠忠

義孝弟祠

陶志

明

嚴秀正統十四年貴州香爐寨苗叛朝廷召募勇士秀應募累
獲戰功議授以官秀曰吾爲地方除害耳豈博一官哉力辭
之今祀忠義孝弟祠

袁志

唐元宗字丹崑幼有勇略年十六補弟子員嘉靖己未猺沈亞

當等作亂元宗首建平猺策事洩竟爲猺所殺初元宗父琮
哲好任俠善養士能得人死力至是客有代琮哲上書以其
事白上詔石總戎邦憲勦平之語具邦憲傳元宗早死無後
鄉人建祠祀之祠在接龍橋金匱楊鴻觀有記載藝文

陶志

李克從永樂丁酉舉人上春官不第卽隱居事母居鄉敦樸時
水利不治田皆草萊克從就鬼湖池側捐地一區築成大堰

塘灌田八百餘畝勒石記其事今猶賴之名舉人塘

陶志

覃希純字素文世居蓮塘鄉之茅坪村成化三年築千工壩引射龍灣水灌田四萬有奇起湖田坪迄茅坪村袤三十餘里希純董其事伐山鑿石至二十一年壩成潞邑水利修舉而千工壩爲大設甌立約皆希純力也後遊壩側掬水飲一笑而逝年八十鄉人以爲神於招屈亭左建祠刻像祀之葬城西

西五里盧家橋

陶志

張楷性嚴謹足不履城市惟明農課子而已家有餘積施鄉里暇則盃酒詠歌著村居賦舉鄉飲固辭壽八十七而終

陶志

國朝

武耀字燦我瓚字明玉俱大潭鄉人也耀好擊劍瓚善鎗令人

挾竹於百步外擲鎗貫其中兩人交相善也亦時時角力爲戲及牛萬才掠激舒自志向秋闈率眾保於龜山鷄公崑萬才攻之始戊子訖庚寅三年不能克耀瓊力也兩人常乘雨夜突賊營摩其壘雷電大作賊驚轉鬪良久不能傷後皆以

壽終

陶志

周士昂字傑楚明季流寇披猖白骨載道昂持畚鍤往瘞爲賊所獲因勸曰汝亦饑寒故至此耳何妄殺人爲賊感悟釋歸乃盡收骸齒瘞之康熙間吳逆之變所過殘滅士昂詣營與逆將陳說利害亦爲稍戢年九十六終

陶志

武有樂字聖美讀書不近名尤好施與明季兵疫並作有樂攜粥與藥往治之全活甚眾順治六年牛賊肆掠爲所獲脅之

不屈賴救得免以壽終邑貢生張楚瑞為作歸神錄錄文歸神

公諱有樂字聖美吾邑隱君子也好施與家無餘貲崇正十七年兵亂饑疫並起流離載道公攜粥與藥病者飲之餓者食之全活甚眾國朝順治六年激浦為牛萬才據縱兵大掠公為兵所獲驅為嚮道不可以刃脇公公不為動旁一人偉之叩其姓名愕然驚起曰公善人也昨夢神告我矣殺善人不祥力請得釋贈以粟帛遂歸避兵山中公亡後十年前獲公者投誠後除鎮草百戶自新化移營五寨道出激浦病極已絕復甦告輿人曰我為仇家所持幾不免賴武公救我且云公已為神矣時土人有熊腊者聞之嗟乎神之為道大矣攷公生平行事非有大過人者願其方寸磊落無纖芥可疑故能不為威惕而樂善一念至死不怠古云生而正直歿為明神信夫

賀登崙明諸生鼎革時姪女美玉年七歲被掠踰二載逃歸父

母已沒登崙撫如己出既長為擇婿悉以其父田園為奩貲

鄉人義之

賀帝簡溪口人同里劉鵬程窶而操舟索逋者沓至將鬻媳以

償簡命其子解金贈之劉子婦得全康熙初行鄉飲酒禮舉

爲耆賓得壽七十有三

二事見陶志補遺以時代計應列於此

黃大福字春臺讀書通大義吳逆僭號有勸應試者曰仲連當

赴東海死耳尙賴其寵榮乎卒年六十有一

陶志

丁伋字思若邑庠生少孤事母以孝聞性純厚鄰有貧者負富

人金將鬻妻以償伋聞往詢曰若負幾何對曰二十五金伋

曰易耳何遣妻爲令還娶妻者金而代償富人終無德色康

熙戊戌舉鄉飲酒禮爲介賓年八十四疾終

陶志

田邦甯性耿介好善樂施靖州張老寶傭其家十餘載卒無所

歸邦甯計其值買棺殮之既葬以其餘買田四畝施中華山

庵勒諸石新化唐某徙激年饑不能自存謀鬻其媳邦甯解

囊周之乃完聚後唐媳連舉子因感謝償金不受有羅姓乏
嗣欲娶妻少金十五兩邦甯如數予之不責償康熙丙戌歲
早鄉里多逋賦吏胥追呼邦甯代貧者完納其善行多類此
里黨稱之

陶志

姜光周字望若齠年失怙悲慕如成人事母孝母終廬墓遇父
母忌辰未嘗不嗚咽流涕也與弟光成同爨怡怡至老康熙

間以壽終

陶志

荆友和字貴先志狷行方幼業儒父卒家中落乃力田以儉約
成家嘗拾遺金訪主還之不受謝亦不語人年八十四端坐
而逝

陶志

夏世臣字錫爵家素封好施與無德色與弟功臣同居友愛日

篤功臣年七十先世臣卒世臣撫姪如子年八十二終陶志

舒慧修字哲先以勤儉致富好施與雍正戊申歲饑出粟數百

石賑鄉里年七十終陶志

陳大勳字公猷邑廩生好施與靖州吳解攜二子傭其鄉喪明

無所得食幾絕勳惻然出粟周之後死爲之斂子尙幼勳留

養及長願傭以報不許乾隆元年詔舉孝廉鄉評協同乃首

薦勳固辭不就年六十終陶志

戴廷諫字蓋臣和厚信實歲出穀以貸鄰里之貧者而免其息

不能償者亦不責也年百歲將死聚券焚之且召舉債者告

曰券已焚爾勿憂也弟廷憲亦年百歲陶志

趙天經字文寰秉性忠厚處世和平鄉黨推服年九十九終陶志

武光極邑增生仁厚樸誠邑遇歉歲豪右稱貸多取厚息光極獨減價平糶見餓者食之寒者衣之無德色能文章教授里中老而不倦八十五以壽終其弟光樞亦敦品立學雍正六年舉優廩

陶志

舒雁字展萬捐貢生與邑令王宏曾善後宏曾以虧帑削職留漵不得歸卒於城東旅寓普化寺宏曾家滇道遠戚屬無至者雁經理喪葬勒碑於墓歲時祭掃雁既歿其弟鸚子天性祭祀如故

陶志

舒鳳修字羽長邑庠生性仁厚家有餘貲輒分與隣里之貧者每遇歲饑復出粟以周窮困卒年八十有二

陶志

鍾班字上玉性慷慨喜爲利濟事間亦排難解紛而無所取有

賀某貧將鬻妻班助給之乃止又嘗全孀婦許氏節偶拾遺

金還之幼就學篤志經史以不遇投徒鄉里終 陶志

向德潤字和容雍正壬子武舉公正嚴明卓有才幹鄉邑公私

一切構難者數言輒解人敬信之尤尊禮師儒子六孫二十

曾孫五十餘登甲科舉貢廩附入仕途者甚夥壽八十八

向榮人字臨萬附貢生學殖行修乾隆六十年黔楚逆苗滋事

燹驚辰屬榮倡首捐貲請募勇截禦隘口四境獲安嘉慶己

卯採入省志

李勝泮端方自持邑中公舉辦理不懈嘉慶丙辰逆苗近境募

勇防堵保全桑梓邑令周甯遠額其廬曰義重五溪

舒之煜字耀川內行篤實性耿介嘗早行於普化寺前橋亭拾

遺金數十兩坐待至日晡遺金者倉皇至驗明還之不受謝
髦年好學壽九十餘猶手不釋卷

劉之巨字用舟性直量寬不校橫逆嘗於縣北穿崑界拾遺金
二百零并文契數紙候至日西失金者至詢其包裹色兩不
爽卽授之母亦好善常於糶量時高纍升斗曰爲子孫作頂
戴形耳迄今後嗣紹書香者繁衍不絕

郭正武字紹烈忠厚誠實性尤友愛昆弟四俱貧二兄正文艱
於再娶乃傾囊爲納婦聞舉子歡悅甚於己出乾隆戊申大
水市廛半漂沒武僱舟拯救近數百人晚年家小康 聖宮
文昌閣悉捐有田土子孫中武榜者一入邑庠者五

唐宗禹字尊上家稍豐喜讀書嘗置學田培植後學歲暮以米

濟鄉中貧乏墾田見枯骨掩之並荒其田黔邑進士易良俶
曾紀其事

向元起字立三歲貢生好善樂施凡族中貧乏者常顧恤之遇
歲饑罄其所有以賑鄉鄰全活甚眾卒年六十一歲

劉期申歲貢生質直好義嘉慶時移建文廟及文昌閣盡心
經理家隔工次六十里年老來往皆步行士類重之

劉純望字紅萬性爽直讀書能文邑士有文名者常欵接府縣
試屢列前茅不售棄家遠賈於粵隣舍有負債將嫁其妻者
純望罄囊橐代償賴以團聚

趙大元字錦三家素封年十六入武庠丁卯己酉歲歉平糶施
粥活附近貧者千餘戊申大水橋亭多圯所有洛陽橋五里

牌亭皆元獨力建修捨藥施棺數十年不倦壽八旬卒

荆廷珣字商玉少孤性仁厚與洪都蕭某合貲貿易三十餘年蕭老欲歸珣悉以金歸蕭而已受其薄券及索金無償者復聚券焚之已所負於人者售產以還家遂落終無悔心二子澤連郡廩生澤瀛早故媳舒氏守節珣卒年八十五

諶丹歲貢生任俠有奇氣應童子試時縣署設有五通祠常拘監紳耆爲蠹役利藪丹憤激率諸童拆毀人皆快之詩古文辭並磊落如其人卒年六十五

舒正享樂善好義嘗於門口樹下見遺包拾視之銀也坐待日晡無人踪跡異日仍於樹下伺之遺金者至詢明還其金後其子錦昌舉於鄉

劉肇方家貧傭工於城東玉帶亭拾金三十兩坐待其人還之
嚴文鈞字衡之郡庠生心精細好義舉邑中文廟考棚泊節
孝祠諸公事咸盡力區畫廉介不苟書院田畝遠近高下纖
細皆知子入邑庠食餼者凡三

劉志翊邑庠生性豪爽節操謹嚴嘗館某邑紳家時土匪蠕動
紳藏金書室穴地後忘所在翊偶拾得還之又善解紛鄉曲
事無大小一言卽定卒年七十五

荆茂潢邑庠生孝友方嚴事寡母蕭氏至老猶然孺慕待手足
無間言弱冠時嘗館沅邑某家夜讀有少女攜酒殺至挑與
共飲潢正色拒之慙而去卒年七十七

嚴傳襄字贊臣郡廩生立品於鄉言笑不苟培植寒畯如親子

弟己酉歲饑倡捐賑貸活長樂村三百餘戶里人刊碑誌其事年五十三及貢而沒

張宗祜勤學能文屢試未售兄好貿易家中落恒勸止不從復私挪金往漢鎮本又折因久客不返祜尋至邀與偕歸變產以償後析居兄益窘周恤甚至隣里負欠多焚其券

鄧士恒邑庠生善治生產然亦慕義急公凡道路橋梁喜倡捐修葺自洞上至九溪江石路數十里力任其事行旅德之又嘗爲邑令龍傳合修塔以培文風工未成賠錢數百緡了無怨色戚里有不善者面斥之不聽輒絕往來

賀昌猷國學生己酉歲饑減價平糶不繼則貴入賤出以濟貧窮至今青黃不給之交子孫猶踵行之

鍾永標字準之州同銜性耿介重然諾己酉大饑減價平糶附
近村團賴以全活而家亦驟富子中武榜孫入邑庠者二
蕭世英好施與於辰澍孔道江西界絕高處行者力疲苦渴施
茶二十餘年及今子永暢猶踵行之

蕭世傑施棺二十餘年其子永和至今猶踵行之

夏思泮號龍池監生素好義舉不避勞怨邑中應院府試多由
陸路歸道經穿崑界黃土坎石徑崎嶇泮獨力募捐剗闢數
年成坦道人咸便之

陳延科字捷元幼失恃事繼母以孝聞己酉歲饑首倡賑捐全
活甚眾

向昇卿道光己酉貿易桃源縣適洪水泛漲漂沒廬舍昇舉錢

僱船數隻懸賞救活生命數十人感恩酬謝者概辭不受
張國炳開旅店於路拾遺金五十兩遺金者尋至還之謝以半
弗受

舒先俊字蓋千慷慨好施歲歉賑恤鄉隣負債不能償者輒焚
其券好讀書延師課子敬禮特隆至老不倦

徐順文字策書邑監生性質寬處橫逆不校己酉歲饑施粥
全活甚眾存穀既完乃貴入賤出以救鄉隣歲終貧乏者按
口給與升斗年九十無疾而終子孫入庠食餼者不少

劉德卿善醫藥不求報好覽山川方強時遊衡山夜歸旅邸卒
七日昇歸開棺復蘇又四十餘年而終壽八十七歲

龔鵬字搏萬性渾樸以儉勤致富遇歲歉己穀已盡常借移賑

貸卒時卜穴既成有族人先夜將其母改葬於穴鵝子成嶽成崑亦不與較改扞隙地其傳家忠厚如此

嚴文銳字陶成附貢生性和易善飲授徒鄉塾多所成名遊皖閩歸時以所獲館金分恤親族貧乏者年七十卒

諶守濂字復周性孝友父顯早卒偕四弟奉母晨昏問視弗懈延師課弟皆列膠庠總理家政公而不私故庭幃雍穆析居後追隨歡譙人以爲有古江淮風產饒裕而好賙濟施榘材數十年現今子孫繁衍人文蔚起咸謂仁厚之報

向人藩字鎮南例貢生性孝友侍父疾不解帶者數十晝夜平生樂易謙退親友困乏恆相賙恤子三伯仲俱冠軍入邑庠賀光進國學生性樸誠好施與家藏藥物以療人疾施棺十餘

年每歲暮鄉里窮乏者必分給升斗

張德周字拾賢以勤儉致富好善樂施嘗修邵邑白馬山路及黔邑新路河路又捐助縣城西湖口義渡經費共計二千餘緡邑合龍旌其廬曰善有餘慶後吳令又以端仁堂三字贈之

張倫人字敘之忠厚樸實父病籲天願以身代乾隆戊戌大饑出穀百餘担賑貧邑宰周贈額曰爲仁有本

向濟朝字盛川爲人樸直鄉隣有爭競事聞朝至卽解乾隆戊戌大饑連年施濟活多人邑令周給匾旌之

夏士淵字匯泉邑庠生秉性耿直遇鄉黨爭難輒爲排解邑中修文廟考棚皆與其事嫌怨均所弗計晚年禁殺持經好

談陰騫壽八十一而終

劉肇楷原名基嘗被夏某毆傷首子若孫數十人欲尋仇力阻之後夏某卒以兇斃楷壽八十五卒族人嘗舉以勸懲焉

向朝翼字耀南謹厚樸實教學數十年鄉稱善人壽九十一間爲小詩頗有逸致

向仁恭字正南孝友出於天性父疾衣不解帶者數月尤好排難解紛捐貲成美鄉人德之卒年八十二

向祖文字敬齋邑增生誠靜廉謹授徒以品行相勸嘗行功過格己酉饑勸鄉人賑助年六十卒今猶多稱其厚德者

劉子庠字俊民賦性渾厚尊禮師儒其堂弟亮負笈虎溪城南家事悉任之妻楊亦憐孤恤貧升斗之需恆以周恤鄉族子

尹初士芸皆列庠序

文學

國朝

諶梅字戰雪康熙中邑諸生性豪放負奇氣善飲能詩所交皆
當時名士鄂文端公經略滇黔幕中多材能諶亦與焉值古
州與丹江兩土司內鬪烽烟徹內地鄂公問幕客勦與撫孰
便客皆曰勦諶獨曰撫客曰撫而不聽柰何諶曰撫而不聽
然後勦鄂公是其語即使往遂直叩古州土司營以利害開
導其酋酋心折聽命復往說丹江酋亦從命兵解鄂公喜欲
官之諶辭乃遨遊楚豫遇佳山名水流連題詠詩數千首其
族後嗣欲刊之未果行

向淑俊字傑先初名際唐幼穎異讀書十行下年十二補弟子員坐事黜十六復入邑庠旋食餼累試第一而卒不遇以歲貢終性純孝父死客邸柩寄蕭寺遭洪水飄去淑俊泣血籲天迹至桃源得之人謂孝感其父名首國亦幼從兵間脫母於禍者也淑俊既不遇晚年益淡情世路飄然物外所著詩文多逸致名漱六堂集

向達禮歲貢生嘗館黔邑邑宰姚文起聞其品端學優延課其子甚敬之黔人楊兆杏昆季及危人傑等皆所成名家居莊儉恭敬老而彌篤

向德政字聖常幼穎悟年十三入邑庠旋食餼文名藉甚後選授攸縣教諭未赴任卒著有傳家寶地理粹言聖常詩文集

戴璠字金谷，昂字素臣，兩人同族兼同學，交相愛也。均能詩，尤善屬文。然屢困棘闈，各以歲貢老所居。有洞曰明月，兩人旣弗遇，常賦詩嘯歌其中。

府志

舒奇超字元之，乾隆辛未恩貢，候選教諭。著有《水經補註》八卷、《讀史管窺》六卷、《孔懷堂時文》二十卷。

向德星廩生，博學能文，著有《春秋便覽》、《易經便覽》、《四書本文註》、《解學庸便覽》三十二字、《字母詩韻訓子錄》二卷、《四庫館採入數種》。

向先點字與吾，歲貢生，好學深思，手不釋卷，性儒緩寬，平不校橫，逆不訾議人短，或談某所作殊未佳，必曰彼亦自有意思。以多病喜習元壽八十一而卒。

賀長松字清遠 恩貢生工詩文授徒數十年及門多列庠序
年八十餘將選官卒

劉肇選字掄三嘉慶癸酉選拔性豪善飲談諧而制行廉謹掌
教虎溪書院時有梯媒上憲來主講者辰守祕之將設法遣
去選聞卽辭館歸挽留不可講學鄉塾成就後學最多卒年
七十餘

劉肇逢字右原嘉慶庚午舉人性樸質寡言笑勤學業與兄肇
選相友愛文名亦相埒未竟其志而卒

劉肇璧字植壇年十五入邑庠十八食餼家貧友教四方遊其
門者多擢顯科堂弟肇選肇逢亦其所成就鄉試鼎薦數次
不售道光丁亥貢成均著有不自欺齋文集待梓卒年七十

有六

荆承恩號蕪林初名廷瓊弱冠入邑庠旋食餼性和平學深邃
屢列優等文名藉甚訓誨後進娓娓不倦習舉業苦心孤詣
經十六科猶初志焉道光己酉中式春闈獲薦未售歸主講
龍潭正趨書院從者數百卒年六十八歲

荆廷琮字宗玉邑廩生家貧典籍外無長物窮經研史傲岸不
羣教育後學多列庠序尤長於詩賦小試屢列優等以數奇
久困棘闈平生所著詩文多散佚

李世璧字毅安嘉慶壬申入邑庠道光乙酉由增中式乙未大
挑二等丙申補署善化學因丁艱未任戊戌卒年四十七生
平謹飭爲懷嗜學不厭著有松桂軒詩文

舒鳴遠字近之嘉慶戊寅歲貢殫心經義旁綜百家講學授徒
邑士多出其門後銓教職不就著有詩文課藝未梓散佚品
學爲時推重

羅祚勝字讓三歲貢生湛深經術尤勤於舉業鄉場屢薦嘉慶
某科已擬中第五以文句結處皆用何字主司疑爲關節置
之居鄉篤守繩墨不與外事謹厚和平一邑稱爲名宿

羅昌之號南垣未冠入邑庠旋食餼道光乙酉選拔肄業嶽麓
文名藉甚屢薦不售因親老投徒家塾行端居正足跡不履
城市鄉黨重之

李宗榮字戟門性倜儻詩字文辭皆遒勁己酉選拔學使祁中
堂寯藻深加贊賞中北闈丁酉舉人以數奇不遇後祁公任

江蘇學政從閱試卷卒於松江院署

向登選字閻仙性豪爽不羈鄉舉後累上公車不售歸縱情詩酒將選官卒

黃樟世亦名彝號蓮友少聰慧工詩文和易近人爲郡廩生肄業成均時雲貴總督羅繞典官翰林愛其才及外官邀入幕十餘年資益宏多後歸買田於桃源縣之角巾坳耕釣林泉旋爲家庭所累忍讓遠遊黔省感疾而卒葬葛巾坳著有聽荷雨山房詩存

舒賁元字孺稚天資卓越不可一世家貧苦讀書未冠入邑庠許宗師臨試異其卷置第一得食餼後以家累不自檢束幾陷於法祁壽陽相國時視學湖南聞而憫其才雪而出之屢

置第一程學使春海復延之校閱後遂橐筆遊嶺表歷吳會間上台多重其博通爲入幕賓得修約千金悉購書畫載歸旋病卒有粵西遊草子先逝其著作與書集多散失

武先行咸豐戊午舉人讀書攻苦優於制義以揀選改教諭除書將及而歿

諶厚瑤字雲帆郡庠生博聞強識性豪放不拘行檢五七言刻燭可成與俗多牴牾瀕危者屢卒以詩得免好汗漫遊遇奇勝悉寄吟咏與芷邑唐可久爲詩友爲梓其託竹筠堂詩草行於世

舒時燾字伯魯夢齡長子少極穎悟詩才清俊文亦宏麗不樂小試遊京師秋闈不售乃入貲爲郎居部曹數年懷抱恒形

於楮墨曾節相官侍郎時與之甚厚燾常以書札相切磋直切不少假曾欽佩之嘗謂人曰伯魯奇才也然好作悲語不稱其年恐非福尋卒時論惜之著有綠綺軒詩文鈔梓行

嚴咸字秋農通政使正基子也年十八中咸豐丁巳科舉人天才卓犖幹濟自期詩古文辭宏奇無範敷陳時事引經據史下筆輒數千言慕屈靈均賈長沙之爲人故少年憂國恒鬱鬱不得志篤於孝行父喪投井以殉家人救之得不死同治三年就閩督左宮保徵至浙請以偏師獨當西南隅未允所請遂徉狂自廢寄寓長沙年餘母強之歸以憂憤自盡人莫喻其故湘潭孝廉王開運有傳著有受庵詩文集待梓

向師棣字伯常咸豐七年道試爲學使張海門所賞稱爲湖湘

七儁嚴咸與向與焉爲人質重少酬接經濟自任不樂舉子業同治三年遊曾相國幕一見奇之許以遠到任以支給出入數百萬無絲毫紊年餘保上元縣知縣不受愈益敬之款接踰於所親一應軍務咸資籌畫厯二年忽遘奇疾節相日三視之雖軍書旁午亦必臨問卒時設奠於師幄輓以聯云與舒嚴並稱激浦三賢同蹶妙年千里足念吳楚尙有高堂二老可憐孝子九原心

按以上二十五人皆有文名而未登仕版故列爲文學以誌其美至舒時燾嚴咸向師棣聰穎則目覽十行氣局則心雄萬夫詞華則筆下千言宜其見賞於名公碩輔而皆英年遽逝以之殿文學亦漢畫功臣置蘇屬國於後之意云

論曰人莫不欲有令名又莫不欲先世之有令名然名者實之賓不明不仁固可懼而誣亦安能不慙耶鄉曲愚氓初不知有名之說而性天流露自有不容已於倫紀之間於是眾口交稱咸以名歸在己毫不爲意躬行君子土類固不乏其人德行文學三管可勝書乎然韋應物不列於唐書韓通不著於五代史後世未嘗無知之者郭有道碑無愧色每思其語未嘗不慨然意遠也

隱逸附

國朝

舒俊鯤號天池郡庠生窮究經籍殫心理學不樂仕進著有洪
範圖說採入四庫館家居數十年襟懷恬淡訓課子弟以
樂善終

戴尙文邑諸生邃於經學兼精術數嘉慶初年三廳苗變嶽麓
山長羅慎齋先生薦佐制軍畢沅姜晟幕府屢著奇績辭不
受官告歸終養

劉之煜號曉齋弱冠補弟子員旋食餼鄉里重其行詣嘉慶戊
午貢成均選訓導以老辭家居授徒達者頗多其子肇璧孫
訓望俱歲貢其餘食餼列庠序者四人以爲厚德之報

向雲翹字楚之歲貢生精於易著有精疏集解遭兵燹散失卒年七十四

鄧中文嘉慶壬申歲貢已銓教職辭不赴以天倫自樂授徒近地多所成就夫婦俱高壽恬退雍容鄉閭愛敬

劉長恩字康黎弱冠入郡庠生旋食餼鄉試屢薦不售貢成均選期至以母老弗仕館穀以養生平正直自持卒年七十八毛傳道字湘溪一都布衣也喜爲詩古文有登金字山句云鐘聲響處方知寺雨氣逼來半是雲恬淡爲懷超然塵世

粟卿旺善醫性廉介隱居山林環堵蕭然饔飧恆不繼親族餽以粟不受年五十竟受首陽之厄人稱爲粟廉士

劉一峯字吳三少有文名屢試不售教讀多年獎勵後進年六

十餘始與子卿望同入邑庠咸豐辛亥恩舉生平豪爽自如無所干進以壽終

劉肇遠字息深邑貢生家貧好讀書工制藝道義自持言笑不苟因目疾澹於進取訓課生徒成就最多

即團煦

舒鳴球字玉聲邑貢生嗜讀書至老不倦端方正直取與不苟獎掖後進沅州黔邑師事者數十人

流寓附

周

屈原楚懷王宗室仕爲三閭大夫謀行修職上官譖之遂見疏子蘭復譖於襄王乃放於江潭自沈汨羅以死離騷涉江云入澗浦余徬徨兮迷不知其所如今縣南有招屈亭

袁志

按流寓袁志載有善卷堯舜讓天下不受去隱廬峯山葬於
辰溪大酉山之九峯嶺考高士志云入深山莫知其處袁云
隱澈葬辰未詳何據至屈子則涉江可証且爲澈浦得名所
由始故仍錄之

明

蔡子長建甯人襄之後也洪武中謫戍五開衛訓子弟以給日

用嘗寓澈浦鄧家坡以詩酒自娛

府志

黃輝字慎軒四川南充人己丑進士歷官春坊庶子父子元以

知縣改教澈浦攜輝至官邸輝少英邁有志中萬曆己卯解

元父子在澈多題咏有黃太史集行世

府志

高應雷字澹生雲南進士崇正末官某省以讒去職將歸滇道

梗乃浪遊至潑徜徉山水間嘗講學授徒於檀頭坡飲酒賦詩著作甚富惜多佚失後仍歸滇終

國朝

王宏曾雲南趙州舉人乾隆九年任潑浦廉明能察奸宄吏役狡滑者窮治不少貸民情大快而衙蠹恨甚乃陰中之未一歲罷官貧不能歸遂留潑宏曾好陽明之學善書能詩手迹惜多散失後卒葬於普化寺左

唐任字重臣江西舉人邑紳舒宏訓令新城時房薦士也雍正甲辰宏訓解組歸任省師至潑素善形家言遊覽山水然不輕爲人捍扞至所倒杖者穴無不吉宏訓子弟爲築曲池書屋授經講學丙午冬北上試春官不第仍歸江西所著詩文

多攜去間有人鈔存者

神農人稱三皇

甲子太乙開

皇公守道日久而人無不稱其德此合懷然則其志亦

謂之遊矣其在世也其言亦守正

其言亦守正其言亦守正其言亦守正其言亦守正其言亦守正

其言亦守正其言亦守正其言亦守正其言亦守正其言亦守正

其言亦守正其言亦守正其言亦守正其言亦守正其言亦守正

其言亦守正

其言亦守正其言亦守正其言亦守正其言亦守正其言亦守正

其言亦守正其言亦守正其言亦守正其言亦守正其言亦守正

澉浦縣志卷之十五

同知衙署澉浦縣事山右齊德五主修

仕宦

澉自勝國以來登仕版者無臺鼎節旄豈山水使然歟然沈淪
末秩實有德過於位者蓋宦不能巧故青綠紫朱未獲以四時
而疊更也舊志列宦望於人物爲數無幾今多於昔雖不盡顯
赫而各盡厥職故溺焉者鮮夫仇覽之於蒲亭朱邑之於桐鄉
魯恭之於中牟區區一吏望傳千古何必盡車前八騶哉茲依
官階世代類次爲第十五

明

劉大允洪武甲子舉人官至戶部侍郎

夏銘善字復初幼聰辨性剛直洪武戊辰進士任監察御史守

正不阿風裁凜然太祖凡有大政輒曰召夏御史議後為同

官坐累死明日太祖問曰夏御史安在侍臣以賜死對太祖

追悔曰失吾直臣乃命有司治殮歸葬祀鄉賢 府志

荆政芳字山甫學行俱優厚重無炫飾永樂丙戌進士任山東

學政轉交趾僉事廉謹端方巡歷沱江聞傘員山有神曰媚

娘為民害祭必以人政芳移文勒石鎮之乃息解組歸朝夕

不給無愠色年八十餘卒祀鄉賢 府志

李鸞正統中歲責任瑞州府教授鼓勵士習教養單寒多所成

就士子咸思慕建祠祀焉 袁志

李廷進嘉靖中以拔貢授臨安府經歷時海寇叛官軍征討賊

潰獲土人三百餘將盡殺之寮屬莫敢言廷進獨冒威救免
袁志

鄧啟愚字良知孝子必政曾孫登萬厯庚辰進士授處州推官
調桂林補漢中陞戶部主事工部郎中出守南陽以卓異遷
汝南道副使尋兼布政司左叅議三載以年老乞骸骨歸啟
愚忠信明決士民愛戴其守南陽也百姓歌曰前有召父後
有杜母南陽鄧公重生父母解組後河南巡撫奏入十賢名
宦祠又詔起雲南布政使以老辭不就卒年七十有八著有
筮遊錄兩都草少谷詩稿祀鄉賢

陶志

舒自志字履初萬厯己酉舉人授武義合平易近人以廉惠著
遷義烏合擢處州司馬分守海防時倭寇始平鄭芝龍等猶

縱掠爲患自志乃嚴保甲繕武備諭曰吾以衛若家咸踴躍聽令軍肅民安升巡海僉事母老乞終養得允歸田後恂恂如常人母卒年六十三哀毀如禮闖賊陷京師思宗殉國聞之憂憤不已作詩曰急流思砥柱健隼奮高秋後萬才掠激攻龍鳳石盤兩寨屠之自志乃率鄉人保於龜山萬才攻之三年不克乃解去自志卒於寨年七十三時嘉興通判向秋闈亦率鄉人結寨於雞公山與自志相爲犄角及卒自志爲詩哀之

陶志

向文謨萬厯癸酉舉人知廬州英山縣陞澤州知州以老致仕去英山日童叟遮道哭送文謨諭之曰士當作忠民當作孝勤讀勤耕勿爲不肖歸後杜門自守人稱爲真孝廉

袁志

李昌天啟中任富順訓導以仁厚率士士咸尊信之時有偷兒被縛以母老無養告昌以金帛諭而釋之偷兒感泣改過劉之隆居學署傍家貧母寡而勤學不輟昌分俸贍其母館之隆而教之卒成進士後之隆官雲南巡按過潯昌已歿葬青桐溪之隆致祭立碑而去

張士亨字用行崇正乙亥拔貢除安義合仕終九江府江防同知士亨爲人清敏居家以孝友聞其宰安義也爲明思宗十四年流賊披猖土寇竊發應之旁郡皆陷士亨多方綏緝孤城安堵先是安邑城垣圯士亨庀材鳩工完陴浚壕數月而竣復社倉法歲饑全活甚衆民立生祠號爲張父在任三年擢授九江同知歷署兵備僉事尋以親老解官乙酉歸里杜

門不出自號淇園處士又六年卒於家所著有平寇紀畧竹

香詩集 俱陶志

舒高崑字昆山萬厯甲午舉人七上春官不第投宿松知縣擢
禮部儀制司主事轉員外郎進郎中著有禦寇論平賊書楊
嗣昌見而奇之及督師入蜀薦高崑督餉崇禎十三年與賊
黨羅汝才遇於劍州戰敗受四傷歸營死嗣昌以聞贈禮部
侍郎崇祀鄉賢歸葬於潑墓在段家灣 府志

以上十人陶志列九人爲宦望有傳獨舒高崑未列但於選
舉中記云題名碑爲原任禮部侍郎而袁志載知縣疑爲謫
任今爲補傳並敘其所以贈官之故不解當時採訪何以未
及又劉大允但列選舉亦不入仕籍殆以宦蹟無徵歟

周宗善永樂十年壬辰歲貢官經歷

夏 梁萬歷元年 恩貢官教諭

向武通廩生任南京經歷

向榮棟貢生任南陽府教授

向文選拔貢任貴州白泥縣教諭陞雲南知縣致仕歸勸人以
耕讀爲本出俸餘爲義學田以訓子姪

向大才歲貢任四川宜賓縣知縣

周宸官訓導

王達官訓導

謹明斌官未詳

以上九人皆明時常出仕者世代不可攷陶志未載茲據府

志省志補入又陶志有係緣例登仕籍者附於後今仍之

舒茂政 任南京主事

張瓊 任安南衛經歷

向道 監生宣德六年任四川閬中縣知縣

王元雍 吏員成化中任雲南州同

石廷珪 正德中任廣西宣化縣知縣

向哲 監生嘉靖六年任浙江定海縣丞陞宣平知縣瑞州知府

何文耀 任雲南經歷

李毓蘭 監生萬曆中任廣西南甯通判

向凌雲 吏員萬曆中任全州山角司巡檢

舒會雲 監生天啟中任河南偃師縣知縣

向自然 吏員天啟中任貴州應山縣典史

姜際春 吏員天啟中任定州經歷陞定陶令

諶克莪 監生考授州同

舒有薦 監生授通判

王天麟 監生任福建晉江縣知縣

吳添富 吏員任四川中江縣典史

諶文煉 吏員考授布政司省察

向首宰 監生崇正中任寶慶府推官

姜際盛

吏員任青州衛經歷陞推官未赴

諶守槐

考授經歷

諶魁

考授經歷

諶顯

考授經歷

黃金斗

任經歷

丁大喬

任四川綿州典史

以上即陶志所載緣例登仕籍者共二十四人

國朝

鄧之珂

吏員順治中任四川成都府什邡縣典史陞縣丞有傳

舒繼周

順治中任廣西全州

舒載勳

附監任靖州州判以裕國勤搃陞貴州黎平府推官

舒學曾

監生捐縣丞

鄧鼎臣

監生候選州同知

陳紹龍

武庠捐衛千總

以上亦緣例者共六人

舒洪訓字慕衡性廉靜凡三拾遺金皆還其主務博覽工詩幼
咏葵花有芳心惟戀日不肯向人傾之句識者異之康熙丙
子登賢書癸巳授新城令暇輒登高山臨清流賦詩見志嘗
充同考官甲辰罷歸偕故知選勝至二酉山玉華洞賦詩嘯
歌其中自號詩癡年七十三卒未仕著惹雲堂集既仕著仁
育堂草俱藏於家

向德一字輔世雍正丙午舉於鄉斯時各省鄉試聘名士衡文
德一以舉人充四川同考官後授江西進賢令勤恤民隱卓
有政聲入簾薦中蔣士銓稱爲得人居官赴鄉勘驗不索夫
馬供給長亭古刹皆可頓宿以親民事有報客在舟被謀殺

者無屍寃久不雪德一以智術得客屍乃抵舟子罪人稱神明後陞蓮花廳同知以老致仕

鍾先麟字振公雍正壬子舉人揀發河南歷署儀封考城等縣實授長葛知縣丁艱回籍乾隆二十六年監修縣志起復後以廉能優保引見南巡行在分發廣東任臨高合署瓊州南雄府分府己卯科同考試官得士如彭堯生陳耕夫皆一時名流

荆培字元植乾隆戊午舉人任浙江海沙場鹽大使

荆自端字賁天性魯鈍而精力過人嘗以文糊案讀之經旬始熟後復過目成誦乾隆辛酉選拔旋中副車甲子北闈復中副榜朝考二等分發廣西柳州州判歷署羅城懷遠等縣

廉節愛民百姓立碑勒荆青天並奉萬民衣傘

荆自新字銘三質鈍將改儒業因其父爲鄉先達侮慢臥牀數日不起詢知遂勵志讀書晝夜攻苦弱冠入邑庠學使稱其文曰楚南一才中乾隆己卯舉人經策進呈大挑授浙江桐盧縣知縣在任清廉悉裁陋規後以虧欠誑誤其受業門人榜眼江德量知師性傲不善事上憲爲經營之議以教諭調用不就江餽送千金歸老焉

向嵐號仙亭髫齡失怙篤志力學乾隆戊午以五經舉於鄉壬戌進士授山西太谷縣知縣旋淡宦情乞歸終母養訓課子弟以詩酒自娛主講虎谿書院教育人材循循有序晚年書法遒勁直與米舍人抗席凡隻字片紙人皆珍爲墨寶云

劉紹濂字景周乾隆丁卯副榜夙穎悟讀數行下邃於經史淹
及百家釋典童試卷內十餘字學使不詳其音義而文甚奧
衍姑取榜末覆詢之條舉以對使驚服曰真古董生也遂以
古董得名肄業嶽麓時羅慎齋先生文名藉甚同舍生數百
少許可惟於濂心折焉丁卯鄉試副主司擬濂元正主司不
欲副以爲屈請置副車以待下科尋就本班銓補廣西柳州
府奉儀州知州因公戍烏魯木齊恭逢

高宗純皇帝八旬聖壽駐防上表蒙 嘉賞詢知濂所主稿得復
職赦還卒於途所著有省齋心吟老莊別言檀弓庖厨性理
粹言輪臺偶拾詩文全集多散失辰州志所入詩文未及全

豹之一

黃思芝字瑞三中乾隆甲寅舉人成嘉慶辛酉科進士任寶慶府教授旋任雲南河陽縣知縣護理澁江府知府

劉建望字用極號松岡家貧負薪讀書中乾隆辛卯舉人丁未大挑二等補新化縣教諭勤於課士嘉慶丙辰改補長沙府教授辛酉捷取廣西來賓縣在任數年士民愛戴以廉調省卒於旅館

嚴如燧字炳文德器淵深明經世大略嘗以天下爲己任乾隆己酉優貢嘉慶元年徵舉孝廉方正 廷試第一以知縣試用陝西歷任洵陽縣知縣定遠廳同知辦理軍務

賞戴花翎升漢中府知府任十年遷陝安兵備道貴州按察使調陝西按察使卒於任 特旨褒恤 晉贈布政使入祀

名宦鄉賢著有苗防備覽洋防輯要三省邊防備覽樂園詩
文全集所有政績俱詳 國史循吏

蔣生楚字圖南乾隆己卯舉人官河南陽武縣知縣

向肇隆字禮山年十六補弟子員乾隆乙卯舉於鄉充咸安宮
教習嘉慶乙丑捷南宮以知縣籤發浙江時清安泰中丞頗
器許之授東陽合勤政愛民一本經術丁卯戊辰兩充同考
試官得士爲兩浙最己巳阮芸臺中丞以才具優長奏調慈
谿縣未久以終養告歸尋卒著有鄉俗通考是亦編文鈔
嚴正基字厚生一名芝優廩生嘉慶癸酉優貢生中本省副榜
充鑲白旗官學漢教習期滿以知縣分發河南歷署武安孟

縣息縣新鄭禹州補靈寶縣升鄭州丁內艱起復補奉天復州知州升江蘇常州府知府賑恤水災民賴以生擢淮揚兵備道署江蘇按察使居官廉明處事詳審僚屬敬服實授廣西右江道時粵匪滋事總辦行營糧務加陞廣東河南布政使旋內用通政副使陞正使以足疾告歸咸豐九年粵匪圍寶慶澈邑接壤因馳書各大憲密布方略得以防隘堵卡四境獲安卒年七十九著有仙舫詩文集憫忠草事績亦登國史循吏傳

舒夢齡號蘇橋其先世以理學名家茹貧苦讀性聰穎年十六遊泮工制藝中道光辛巳舉人壬午成進士授庶吉士散館仕安徽巢縣知縣清勤愛民善於聽斷以卓異保陞知州兩

充江南鄉試同考官歷任亳州泗州知州旋陞鳳陽府知府
護理廬鳳穎兵備道復署徽州太平府旋調授安慶府充己
亥科江南鄉試內簾監試官署安徽甯池太廣兵備道權蕪
湖鈔關二十九年改發山東咸豐二年授登萊青兵備道署
按察使兼署鹽運使宦蹟所歷開漕辦賑除盜安良教義兼
勤惠政丕著俸餘並資義舉邑中赴鄉試者爲捐賓興族中
孤苦者爲置義田子弟雋秀者爲立義學卒年七十歲加按
察使銜同治三年入祀鄉賢祠

向柏齡字新甫清慎謹厚年十六入邑庠嘉慶癸酉選拔充鑲
白旗官學教習中道光乙酉順天舉人分發陝甘歷任正甯
靖遠碾伯等縣巴燕戎格廳壬辰分校陝闡丁艱回籍起復

後任江蘇高淳縣知縣時大江南北水災連年悉心賑恤全活甚眾移知武進調長洲旋署川沙廳陞太倉州報最以知府陞用補松江府未蒞任解組歸同治二年卒於家年七十九葬里西廛山之臥賢岡

匡開益號已峯中道光己亥舉人掌教盧峯書院數年癸丑挑選知縣分發福建補授閩清縣署建陽縣事充福建乙卯科同考試官復任建陽升同知署邵武府兼理邵軍廳同知時粵匪竄境統帶平安軍克復邵城以功提陞知府旋統汀郡四屬團練剿平汀州餘匪陞延平邵道未抵任卒

嚴正圻由從九保知縣歷任廣西遷江柳城興安賀縣馬平融縣知縣加同知銜

向先薰字陶吾道光丁酉選拔咸豐年間從事鄂省胡宮保林翼奏留署興國州事尋補隨州丁艱回籍年七十卒於家武伯穎字稼軒咸豐辛酉選拔朝考報罷遊金陵佐曾帥國荃幕府以功保知縣加同知銜引見後分發浙江督辦軍裝局務旋署永康縣知縣年餘卒於任

以上皆由知縣起或擢至司道者共十九人

向達述由廩貢捐縣丞分發湖北任石首縣縣丞

舒正載字伯厚乾隆丁酉選拔四庫館謄錄議敘湖北州同歷署安陸潛江武昌各縣事俱以廉明仁惠稱素方格惡鑽營候補三十年始借補沔陽州判防汛築堤風雨躬親任八年予告歸又八年卒年八十一著有竹根齋詩草

舒于心由監捐府經歷署廣西梧州懷集縣分縣陞思恩府理
刑廳以知縣陞用

周宗亮署山東長清縣分縣

向先照由附生捐縣丞候補江西委辦鹽卡十餘年捐陞藩理
問歷署安仁上高典史縣丞權宜春縣篆除蠹吏奸役咸豐
初年疊署瑞昌豐城等縣知縣

以上皆佐貳或歷署知縣者共五人

譔濬歲貢生康熙中授衡山訓導訓士務敦實行著孝子傳孝
經刊誤梓先正格言在任十五載陞湖北歸州學正送餞者
咸泣數行下又四年以老乞休歸衡士子俱立碑以誌去思

陶志

向象泰字交修康熙丙寅歲貢生任安鄉縣教諭居心慈愛立
品端方訓誨士子先德行而後文藝以病告歸生徒祖餞泣
下卒年八十歲

舒才博字遜文賦性純厚學宗濂洛乾隆癸酉選拔 朝考一
等授新田教諭丁內艱起服選湘鄉縣教諭以敦品窮經訓
迪士子任十三年乞養去湘鄉士庶爲立去思碑乾隆末陞
襄陽府教授嘉慶元年教匪將起言於上官不聽及郡城圍
率諸生助守事平己七十致仕又二年餘卒襄人士聞訃咸
感悼私謚敬毅先生祔祀於張文貞公祠著有約齋信手拈
詩文全集

黃先昱字錦川廩貢生任善化訓導並歷署各縣儒學事勤於

啟廸性豪爽不羣有幹濟才同官皆信服之陶金諧合激時
修縣志以其公直邑事多相諮訪焉

向 朝乾隆壬子歲貢任桂東縣訓導齒高德邵士林欽敬卒

年九十歲

舒曰璋字維熊乾隆辛未 恩貢授華容縣教諭著有求心軒

文集二十卷

舒有光字臨川乾隆辛未歲貢任通道縣訓導說經解頤聽者
忘倦著四書明捷解易經明捷解易經標題講勸孝文居家

五要十字格言地理神會錄行世今存者僅一二種

舒于忠附貢生署桃源縣訓導後任靖州學正

周世琅乾隆丁丑歲貢任岳州府巴陵縣教諭

張燧字魏英乾隆壬午歲貢己丑選郴州學正辛卯署桂陽州學正復攝桂東縣教諭郴州孝廉首永清陳鍾侃深蒙獎掖後皆顯達解組日猶來祝壽上聯云兩州沾化雨三舍祝長春

戴文炳字虎占乾隆甲寅歲貢任寶慶新化縣訓導

向世翼字南星幼岐嶷長嗜學以廩生入監肄業報滿署龍陽縣教諭戊戌歲旱龍邑辦賑躬行村戶按給口糧復勸捐設廠全活甚眾以母憂去任服闋署瀏陽縣訓導改建

文廟及明倫堂文昌閣由是人文蔚起旋署鄱縣永順府及安福會同桃源等縣學官苗匪滋事姜撫軍委運軍糈以勞致疾歸尋選瀏陽教諭先後在瀏十四年篤學好古甚得士心

後陞湖北漢陽府教授卒於官年七十六著有史記贊竅

舒正增字仲華幼聰慧讀書日千餘言下筆亦千餘言詩文宏麗字或難識咸驚淵雅而鄉闈屢薦不售以廩貢肄業國子監選綏甯訓導在任十年訓迪諸生諳諳不倦有踰檢者督責不少假著有夏柯堂詩文集

舒正璧字毅文幼家貧嘗採薪易粟以養父母夜則攻讀尤苦十七補弟子員乾隆二十七年以廩貢肄業國子監工楷書尤疾速一日能寫萬餘字報滿旋里授徒鄉先達多出其門嘉慶二十四年選新化縣訓導卒於官

荆 垌字魯野乾隆庚子歲貢嘉慶乙丑選黔陽教諭性耿直家貧不爲物累丙寅歲終年八十

臨雍講學諸生圍橋觀聽大杰呈槐陰壁流賦 給綵綢二端白鏹

向大杰字鯤湖年十七入郡庠由廩貢肄業國子監恭逢
二錠報滿後選授宜章縣訓導在任十八年獎勵生徒多所
成就年八十六告歸餞送者百餘家居數年卒

黃思洋號柳村有膽氣弱冠食餼肄業國子監以訓導用厯署
會同湘潭教諭慈利訓導乾隆末貴州苗變充姜撫軍記室
時傳觀察孳困於危城洋出奇助守七晝夜圍解以二等紀
功復從湖督福公勦來鳳教匪委署乾州訓導後實授桃源
訓導卒於任年七十五葬桃源城西五里之七星堡

戴安禮乾隆乙巳歲貢嘉慶十三年選沅江縣教諭尋卒

禹 漢字紀南年十五由廩貢肄業國子監報滿厯署攸縣訓

導衡山縣教諭掌教盧峯書院七年嘉慶初邊廳苗匪蠢動
兵備道傅爾聘參軍務以功保知縣不就性溫和平易勤於
訓課子孫入泮食餼者七人卒年九十三

向宗望字孚萬由廩貢肄業國子監取四庫館騰錄任湘陰縣
訓導

鄭良輔歲貢生家居訓課俊秀多出其門後選永明縣訓導
向肇岐字鳳山由廩貢捐訓導性通達能和睦家庭培植子姪
族眾咸敬服之歷署東安清泉新化各學年五十餘卒

舒理元邑廩生嘉慶元年舉孝廉方正由保舉歷任湘陰瀏陽
邵陽安鄉等縣教諭陞任永順府教授

夏萬厚字古原以副榜肄業國子監報滿選東安訓導居官如

家婦子不廢春爨後以事辭官歸清貧如故

向宗潮拔貢任興甯縣教諭

武大宗嘉慶辛酉歲貢任岳州府訓導

舒高陞字連三嘉慶戊午科舉人任善化縣訓導

陳嗣長字敦源幼穎悟讀書日數行下由廩生中嘉慶戊午舉人補桂東訓導實授衡陽教諭時年八十猶善細楷推陞湖北黃州教授未之任卒著有課幼草

鄧大猷字彥輔嘉慶辛酉科舉人幼聰穎下筆千言詩古文詞力追先正窗稿數百篇人競傳誦以教諭選授乾州廳訓導地僻民愚文風未振猷常進諸生訓誨俗爲少變卒後人猶思慕著有石門詩文集晴峯詩草

向世幹字扶疎嘉慶辛酉歲貢篤志好學課讀綦嚴名宿多出其門年七十六授永州江華縣訓導性愛書常手抄不倦八十四歲致仕歸聘主盧峯書院壽九十歲卒

向紹湘字匯三好學深思文品清潔風流自許任平江教諭十餘年卒不名一錢

舒其鏞字紫峯天分高絕經術湛深十七入邑庠歷爲學使所賞嘉慶癸酉選拔留京師以文章行誼見重名流秋闈屢薦不售凡館職出持文衡者爭相延致推爲師友後充國史館謄錄報滿授黔陽縣教諭丁內艱服闋復選江華縣教諭未到任卒著有鄜西詩文存雲貴制軍羅繞典鈔其制藝行

於世

舒其鏌字金英以廩貢肄業國子監選授武岡州訓導丁艱服
闋署長沙府教授平生篤於友愛俸餘悉以與弟有幹濟才
晚年怡情詩酒淡泊自如著有葵園雜記及詩文數十卷年
八十卒

舒其鏌字金粟性俊敏善結納以附貢生勦辦黔省戎幕功選
授巴陵訓導加同知銜致仕歸年七十三卒著有筠峯詩存
舒敘玲字秋蟾道光己酉選拔明敏強幹能任大事咸豐九年
辦理本邑防堵駱中丞保加同知銜同治元年任通道縣教
諭時髮逆竄境躬率諸生練團防守積勞成疾卒於官
以上皆教職或實授或厯署共三十四人其有未經受任之

舉貢俱詳人物中文學

舒天容由附監捐王簿授福建詔安縣典史拏獲海盜升松溪縣知縣

李克琦嘉慶間任福建漳州南靖縣典史

鍾士仁由監捐從九任湖北河溶巡檢捐修衙署民多愛戴

舒春元由從九任江蘇松江府華亭縣巡檢署吳江縣縣丞後任常州武進縣小河司分司

嚴立豐由宗人府供事派充玉牒館膳錄甄敘從九分發浙江任孝豐縣巡檢

向震南由附生捐發江西巡檢

文哲仙由監捐從九署安徽懷甯縣三橋司巡檢太平茹馬司

巡檢

以上皆例捐巡司捕廳到任者凡七人

現在文員

舒鳳騰字子儀咸豐辛酉選拔 朝考一等第三現任戶部浙

江司主事兼雲南司主事

舒時煜字曉峯由附貢生選授永州零陵縣訓導咸豐二年髮
逆由粵竄永境奉札召募守城四年夏復募勇擊賊於零境
之水口山及甯遠上羅盤等處五年生擒逆首黎雪五等二
十餘人以功保知縣並賞加六品頂翎復於祁東之四明山
擒竄匪胡有祿等餘賊悉平十一年辦理本縣防堵獲保同
知同治二年閩督左宗棠檄調差遣因 奏留浙省三年代
理樂清縣知縣現候補浙省

向先濬一名楚仙邑廩生選訓導咸豐二年通政司嚴正基督辦粵西糧臺相從贊畫以功保知縣九年賊竄寶慶辦理本縣防堵保加運同銜同治八年投部引見選授廣西修仁縣知縣十年任內剿辦永安土匪保升知府賞換花翎舒永獻道光壬辰科舉人前任甯遠縣教諭以病告歸掌教盧峯書院二年起復後仍任原缺現已致仕回藉

劉士先字後甫道光丁酉科舉人咸豐癸丑大挑二等甲寅辦理本邑捐輸防堵保加州同銜乙卯授龍陽縣訓導有幹略遇事能任在龍十二年培植寒畯激勵人才邑士悅服推陞沅州府教授著有澹如也圃詩鈔

郭遠厚廩貢生加捐訓導咸豐九年辦理本縣防堵保加國子

監學正銜加捐分發歷署武岡州學正攸縣訓導寶慶府學
訓導

劉士清廩貢生咸豐九年辦理本縣防堵保訓導加捐分發同
治四年考驗在籍候補

舒立湘廩貢生由辦防堵保訓導加捐分發同治四年考驗在
籍候補

夏立模廩貢生咸豐年間從事安徽釐局捐訓導分發同治四
年考驗在籍候選

徐清泉廩貢生同治四年加捐訓導分發在籍候選

周文煥原名正芳以監生捐從九分發廣西咸豐十年隨粵撫

劉追勦髮逆委署懷遠縣典史同治四年保縣丞 賞藍翎

現任梅寨司巡檢保陞以知縣補用

嚴德榜由附生捐貲助辦團防勦漢川賊保州判分發江西歷署臨川糧廳高安縣縣丞雩都縣知縣現保以知縣補用

嚴立謙由監捐巡檢分發貴州咸豐九年在本邑辦理公事保加同知銜後更名豫捐四川府經歷

嚴德森由監捐巡檢分發湖北前署大冶縣典史

向師杰由監捐巡檢分發安徽歷署盱眙縣典史五河縣典史周鵬齡由附生捐巡檢現任湖北宜城縣分縣

周在滋由監捐從九分發湖北現任恩施縣崔家壩巡檢

向人堯由監捐巡檢前任江西阜田司巡檢

蕭一錦由監捐從九現署湖北崇陽縣巡檢

向樹文保捐貴州州判前署清鎮縣知縣

張世佶由監捐縣丞候補安徽

梁樹勳由監捐從九候補江西

蕭大烈由監捐從九候補安徽署任歙縣典史

陳立祚由監捐從九候補安徽

吳餘慶由監捐從九候補廣西現任馬江司巡檢代理羅城縣知縣

倪期監由監捐從九候補廣西

蔣宗奇由附生捐從九候補安徽

吳輔學由監捐巡檢分發廣西現任思恩府賓州安成鎮巡檢

向師樑由監捐從九候補浙江

劉伯恩由監捐縣丞

向師松由監捐從九候補安徽

鍾靈由孔目捐知縣加同知

以上或正途或援例目 京官知縣教職佐雜有現任者候

補候委者共三十二人

保舉文員

武明善以克復金陵功保記名道加按察使銜

向郁文附生成豐九年辦理本邑防堵捐輸保主簿銜十一年

加捐從九指省湖北

劉肇春附生成豐九年辦理本邑防堵捐輸保府經歷十一年

加捐從九指省湖北

劉拱辰以援黔功由附生保鹽大使

嚴先招以閩浙陝甘軍功保府經歷

向先洛咸豐九年在湖北釐局辦事由主簿保通判

武繩祖以援黔功保鹽大使

向雲章以克復金陵并援黔功由童生歷保至鹽大使加提舉
銜

劉卿望隨田軍門克復江西
縣功由附生保舉藍翎縣丞

舒立濬由廩貢從貴州藩憲炳勦辦苗匪出力保卽用訓導

劉爾昌由廩貢從事黔省戎幕同治七年保遇缺教諭

黃士清由廩貢以歷次辦理本邑公事類保儘先訓導加國子

監學正銜

向瀛仙由廩貢保訓導咸豐九年投効湖北胡中丞營次保光

祿寺署正

舒立洙由附貢捐訓導咸豐五年在黔省思南府幕府隨剿苗
匪保卽選訓導

向宗尹以屢佐戎幕保府經歷加五品藍翎銜

嚴先樹由廩生保訓導更名汝霖

文清城以廣東滄桑助捕紀功保通判

以上皆保舉現任候選者共十六人

嚴文銳由附貢生保捐訓導加國子監署正銜

武世津咸豐癸丑在廣西思恩府隨張觀察辦理軍務以功由

廩生保舉訓導

向蔚文由附生保舉訓導

向紹先邑庠生以援黔功保訓導加保藍翎知縣

向翊清由附生保舉訓導加五品藍翎銜

以上皆保舉業己身故者共六人

論曰國策有言大官不可得小官公又弗欲然則將何如而可宋賢謂一命之吏與物必有所濟故朱子嘗勸人不如作縣丞猶可以親民也敢云微官何足道乎軍興之後他邑人士藉運籌決策而至方面封疆者曷勝僕數洩以勞積獲邑宰者僅一二人然使果能器爲公輔才堪將帥卽辱在簿書安見異日不有謂枳棘非鸞鳳所棲而汲引者耶

溲浦縣志卷之十六

同知銜署溲浦縣事山右齊德五王修

武勳 忠勇附

國家承平二百餘年鑄劔戟為農器無端盜生邕管浸至海宇
騷然於是村氓廝養皆得奮起戎行致身尊顯而往時翹關負
石之雄反歎為君馬亦何駛者何歟蓋

朝廷憫恤黎民殞於鋒鏑罔惜高爵厚祿破格酬庸故以白丁不
出數年而榮臻極品其光耀里閭為何如也茲取武職及軍功
類列為篇以見事會之不同也卷第十六

明

向文義

初名義高號石泉萬厯中任五寨營叅將卒於
官墓在五寨洞口有廟在五寨城外至今祀之

向登位 柳溪人出身爵秩俱未詳相傳以軍功加銜至宮保向朝將皆登位提拔則亦崇正中任

鍾天寵 崇正中隨左良玉討張獻忠有功官總兵

譔鏡生 雲南參將

向朝將 初名乾勝號月池文義子崇正中戮力苗疆都司田某題授副總兵後殉難

以上五人見陶志

向勳臣 明武舉任燕河總兵

舒德治 明時人在乾州守衛

田有夔 字慄所崇正中棄家從軍以功官荊州守備

以上三人陶志所無今補入

國朝

舒略 字獻策順治二年隨征有功任太平鎮前營參將分守采石開徽甯池大四府三年復隨征浙閩滇黔諸省有

功

賀時達

康熙元年由行伍任黎平府把總西征有功官游擊

舒吾文

康熙三年任石羊哨守備

按陶志載舒吾文係康熙三年任守備中隔雍正乾隆兩代並無武職而兵房檔案無考茲復從嘉慶以來所有武員開

陳於後

謹思棠一都人嘉慶甲子武舉乙丑進士任湖南全省塘務府
陳廷珖字佩德嘉慶丁卯武舉任澧州右營千總旋補螺絲壩
守府後署茶洞中營都司在任勤於訓練賞罰嚴明士卒愛
載解組歸卒於家

謹萬芳嘉慶戊辰武舉己巳進士 欽點御前侍衛仕至福建

汀州協勤習技擊矢無虛發居官恭儉善撫士卒

劉紹珂字碧堂中嘉慶癸酉武舉甲戌掣籤授兵部差官丁丑
會試進士歷任直隸通州協右營守備署天津營守備寶坻
都閩河間守府豐潤都閩通州右營都閩推升貴州黃平營
都司署下江營遊擊平越遊府提陞柳霽營遊府以老告歸
在任公正廉明有儒雅風卒年八十四歲

梁桂芳字蟾秋道光丁酉武舉戊戌進士補常德協千總二十
九年征新甯土匪李元發以功保守備咸豐元年奉調赴安
徽剿賊於滁州所屬之三汊河克復臨淮鳳陽等處歷保至
花翎遊擊同治三年署武岡營遊擊四年署乾州鎮溪營遊
擊六年復委署常德協中軍都司至八年卒於任

朱連陞丁酉武舉甲辰進士署本省塘務府卒於官年三十餘
歲

賀萬年道光甲辰 恩科武舉歷署辰州汛城守營船溪汛金
廠等處把總同治乙丑實任永順府劉家寨把總丁卯卒於
官

譙瓊林道光丙午科武舉丁未進士初任湖北興國州守備陞
任湖南乾州都司咸豐初年統帶兵勇赴鄂卒於行營

夏思忠字華峯道光戊子武舉入鎮箠鎮標道光十二年以平

江華土匪戰功保藍翎拔補沅州懷化等處千總推陞乾州
鎮溪喜鵲營守備咸豐五年奉調援長沙撫部院駱保奏

賞戴花翎免補都司坐補鎮溪營遊擊在任數年致仕

向東昇道光甲午武舉署永州新田汛千總歷署甯遠縣永州府守備保陞衡州府都司嗣因帶兵剿賊告職回籍

曹星伯以軍功保花翎貴州大定協現署雲南威遠叅將

周鵬芳道光庚子武舉咸豐三年粵匪滋事隨景都司於湖北剿賊以功補卡洞坪守備又隨袁都司出兵安徽保陞遊擊現任桂陽州臨武營守備

劉立墀道光乙未武舉初署瀘溪四都坪把總授長沙縣千總調補瀏陽汛委署茶陵州調陞洞庭水師營守備以老告歸

舒良貴原名立尙字湘泉咸豐年間髮逆竄湖北江西等省從田提軍剿賊甚力以把總薦保至遊擊叅將換戴花翎 賞効勇巴圖魯復於黔擒斬號損各匪餘黨克復綏陽定番等

處陞任貴州大定協副將復擊殺號匪李遇法等並稟請復

大定營兵原額雲貴督劉彙請 獎陞加總兵銜

溫啟學由行伍入乾州營累官至貴州省古州鎮總兵

舒澤淇由軍功現任貴州省古州左營遊擊

張連玉咸豐初應 官制軍募入水師歷著戰功保至花翎都

司加遊擊銜現任湖北武昌府都司

劉良忠丙午科武舉署辰溪三城驛把總

陶立忠字蓋臣安化人遷居邑之四都咸豐間以武童投水師

營効力歷著戰功保至花翎總兵 贈一品封典現任金陵

前營參將

以上係曾經受職者凡十八人

武明良字贊臣底莊鄉人魁梧有膂力咸豐三年從軍歷鄂省
豫閩戰功獲保至都司九年調赴江皖隨勦克太湖小池驛
隘口 賞換花翎以遊擊用十一年克復安徽省城保副將
同治元年克北岸巢縣含山和州三城 賞勇號以總兵
簡放十月解雨花台圍加提督銜三年大帥攻金陵地道火
發礮石飛墜人莫敢前良直衝倒口冒死先登各營繼入督
帥嘉尙保記名提督 賞穿黃馬褂告假回籍
王連陞以克復金陵功保總兵並 賜一品封典

劉鶴齡字崧生先世業儒少孤事母孝於咸豐七年隨田提軍
援剿江西攻克英岡嶺及臨江府城九年援黔攻克古州解
黎平城圍嗣因馳調回楚解寶慶城圍十年復調援黔剿教

苗各匪破黃金屯貓貓山旋派同果毅軍曾道入川攻勦石
逆解綦江城圍同治元年復解眉州圍克復丹稜二年援勦
漢南克復西鄉等城委帶果毅營復會勦甘肅階州四年克
復階州數年間擒斬首逆數十克復城池十餘處由外委歷
保至花翎副將是年經陝撫劉保加烈勇巴圖魯川督駱保
加勳勇巴圖魯五年防勦黔匪拔鏹尖山七年由川援黔攻
克水源溝禮木園等處進總兵又克復甕安縣拔玉華山及
兩轎頂山陞提督並 賞換法什尙阿巴圖魯又攻尙大坪
生擒首逆收復黃平新舊兩城前後經署湖督將軍崇保奏
賞穿黃馬褂八年連克重安司清平縣城 上諭以提督
劉鶴齡督兵深入迭著戰功深堪嘉尙 褒示各營 頒賜

御物數事

劉義方以豫章楚黔戰功保副將補雲南騰越鎮總兵

劉福望以楚黔戰功保副將

劉順望以川楚戰功保叅將

向必政以川黔戰功保副將

向斗南以川黔戰功保副將

舒祚陞以川黔戰功保副將

武兆霖以克復金陵功保花翎都司七年隨左制軍留用陝甘

加遊擊銜

向必勝以川黔戰功保花翎總兵

劉建忠壬戌武舉同治七年隨營勦辦黔苗保花翎遊擊

李德勝以川黔功保花翎副將

劉漱望由軍功保藍翎遊擊

黃一陞招募赴江西川黔歷著戰功保至 記名總兵並 賞

給一品封典

劉凌雲咸豐年隨族叔吉三轉戰江西黔楚以功保至花翎都
司同治間從川軍援黔攻拔匪巢薦加總兵銜

鄧立賢從兄鄧錡在川黔營內幫辦軍裝器械積勞保至副將
劉先望由軍功保藍翎遊擊

曹榮柏由武舉以克復金陵功保藍翎守備

向紀修花翎叅將留川儘先補用遊擊現在四川帶勇

謀厚固由守禦所加捐都司銜

舒時華保舉藍翎階司

以上係尙未到任者凡二十二人

論曰富貴之逼人來也無論人不及料卽在己亦有謂始願不及此者咸豐時賴黃龍青犢以成名者幾於椀脫櫂推第位高金多激尙不過十餘人他邑則何可以升斗計然身膏草野弔爲國殤又豈勝言哉霍冠軍之有天幸非數奇者可同日語矣

忠勇 附

向興楚庠生文選子性忠直順治初牛萬才擾激其妻舒氏與弟勸遠逃楚不允曰吾非爲身計且以忠義告之妻亦不忍去臘月除日賊至厲聲大罵賊怒並其妻殺之而去 陶志

謀會桂字蘭友庠生有膂力武藝絕倫順治五年逆賊牛萬才掠龍潭鄉砍傷桂弟會極桂奮勇率壯士襲之賊死傷甚眾乃遁桂知其必復來約鄉勇防之越數日果至鄉勇齊起賊不能敵逸去常是時牛賊寇潏潏徧罹其殃龍潭獨免桂之力也

府志

向肇靖乾隆乙卯苗變焚掠乾鳳永保諸州縣靖以武生投畢秋帆制軍營命帶精悍於瀘邑浦市防剿苗匪出入無常未獲一戰靖奮然欲搗其穴遂率精悍至四都坪與苗遇擊斃無算靖所持火鎗入藥太多猛裂受傷尋卒當道以聞入祀忠義昭忠兩祠

武昌顯字遂良道光壬戌武舉入營署永州零陵縣千總戊戌

從征廣東暎夷以功保花翎補桂陽州守備戊申隨向提軍
平新甯逆匪雷再浩李元發等陞寶慶府都司咸豐二年髮
逆洪秀全圍桂林顯統楚兵四百赴援賊北竄興安被陷顯
行至全州州牧曹邀入保州城堅守十一晝夜礮斃偽南王
馮雲山賊益憤然畏其勇射書入城請少退顯不顧賊施地
雷轟擊援絕城陷力戰死之事聞從優議恤世襲罔替

詔建雙忠祠於全州入祀本邑昭忠祠

劉士哲字卓人大父建望廣西來賓知縣叔志弼爲粵幕哲隨
之粵就其地治鑄爲生適河池州土匪張加勝等聚眾劫掠
攻陷州城哲度賊必至將訓練廠丁並治鐵爲大礮賊至擊
之追斬至六墟唐龍墟擒賊魁黎二喜等先後著戰功甚多

州牧上其狀粵撫周天爵保奏以知縣卽選部銓福建古田知縣引

見改發湖北星使羅制軍繞典留辦襄樊防堵就署襄樊同知擒劇盜郭大安等北督張公亮基檄至省卽保同知旋署漢陽府乙卯正月募勇敗賊於漢陽西門橋賊大至士卒多死或曳之走不動歿於陣事聞

晉贈道銜世襲雲騎尉入祀本邑昭忠祠

毛克寬字仁先兄弟五人俱從軍克復江西吉安萬載等處屢立戰功畜一犬隨身會戰敗危急犬直前連嚙三賊得免咸豐九年解寶慶府圍克復古州薦陞副將調剿黔匪以功補大定協賞賜銳勇巴圖魯適石大開竄安平尾追三晝夜

海清縣志 卷之十六
賊從間道反擊軍潰歿於陣兄弟皆先後死王事

詔建專祠以總兵議恤

劉吉三貌魁梧有膂力咸豐五年從田提軍剿平江西吉安萬載等處髮賊九年解寶慶圍以功擢副將十一年調貴州攻石阡四寨屯懸崖峭壁人莫敢上吉率所部奪卡陟險爲飛石擊傷腦漿迸流部下遊擊謝永池背負以行亦爲飛石擊倒同歿於陣奏請以總兵議恤世襲騎都尉並飭於石阡建立專祠

鄧立心字赤子其祖大猷爲邑名孝廉少孤事叔如父內行修飭左制軍宗棠時佐駱中丞幕聞其名薦致之命佐主簿吳國佐軍黃觀察純熙見而請佐其軍每戰捷輒讓其功同事

二年始進一階駱中丞督兵入川純熙充前鋒心從援順慶
旋破賊定遠以功遷同知純熙乘勝追賊遇伏被圍心直前
救護已出重圍而純熙陷於陣心嘆曰觀察死而我獨生何
以酬知己因復入遇害議者以觀察死忠赤子死義樞櫬所
經公卿咸弔祭之

向方得少貧投保靖營以行伍劓新甯土寇時各營間阻聲息
不通方得任投遞一晝夜往返五百餘里各營因得遵行方
略寇平保把總髮逆起粵西圍桂林踞城外之得月樓發巨
礮擊城守陴皆哭方得昏夜率死士安置五處火藥首先縱
火焚樓殺賊所攜五十人皆生還以功陞千總南撫駱公聞
其名招致之命管帶新招激勇守豹子嶺賊不敢逼陞用永

定守備未幾以公事赴鄂制軍張亮基留用湖北剿漢黃逆
匪屢建奇勳漢川之役援兵未至遇害其兄歡龍及姪鴻修
均以勇力從軍於粵而死全州之難

呂得科肩煤爲生咸豐五年從田提軍剿江右大股髮逆十年
隨剿黔省苗教兩匪以功屢遷至副將賊據甯安城率所部
進攻城下爲賊礮擊中胸腹倒斃猶手矛不釋 奏建專祠
以總兵議恤

嚴先準咸豐年間從副將周洪印攻貴州貓貓山克新厰復遵
義石阡等城薦保至花翎遊擊委帶精捷軍破馬鞍營柴家
壩毛家壩獅子坪加叅將銜補黃平州都司未赴任復解石
阡城圍以功歸兄先琢石阡守喜其篤於友于以藍翎分縣

保先琢因留準攻紅巖坵立威守營與賊戰數日賊敗伏坵
不出士卒無敢致師者準一騎獨先斃數賊馬近坵爲巨礮
擊斃時石旰守在署見準戎服至言紅崑坵已被渠攻破矣
倏忽不見次日營報至準已死而賊不知何以遠颺石旰人
神之爲立祠

潘羅成一足微蹇咸豐年間從軍有膽略敢戰軍退常殿後能
轉敗爲勝積功至叅將 賞勇號後隨皖藩李孟羣拒賊廬
州之長城戰歿同治元年奉

旨同李藩祠祀廬州

毛經邦道光己亥

恩科武舉咸豐二年從軍管帶激勇赴湖北擊賊田家鎮敗退馬

陷於淨身被數傷猶下馬手刃悍賊多名力竭身殞入祀本
邑昭忠祠

周學桂家貧賣卜爲生咸豐二年從軍楚湘豫章間屢著戰功
後隨田提軍平貴州貓貓山賊薦陞總鎮後轉戰黔東敗歿
同治四年 奏請以總兵議恤世襲騎都尉

劉山字伯龍同族人士哲業洽河池州山中土匪起每戰與
俱哲謁選山仍舊業賊屢來復仇輒被擊走黔賊犯境擒逆
首送黔當事未悉其名遂以劉山保敘從九後因荔波合蔣
嘉穀招之剿苗匪三聘始往山有膽識調度攻圍屢著奇捷
蔣以城守武營畏蕙憤出攻賊歿於陣賊攻城山志在雪仇
茹血苦戰爲鎗所斃其弟叔龍亦驍勇以兄慘死輿柩回粵

不復出

舒澤洛咸豐四年從軍以功保授貴州浪洞營叅將同治五年黎平府監考七苗竄汛地死之

周在珩以軍功保藍翎都司在貴州甕安縣陣亡

劉清望咸豐三年從田提軍營以功保藍翎都司九年在寶慶高家村陣亡

劉朋望以軍功保藍翎把總咸豐四年從征廣東暎夷在九鳳橋陣亡

夏思奎由行伍入沅州協標發補沅州安江汛外委咸豐二年粵匪滋事隨師攻剿奮勇當先身受重傷猶斃賊數名救援未及遂歿於陣入祀本邑昭忠祠

鍾允治字臣五道光乙亥

恩科武舉咸豐二年髮逆偪武昌允治偕毛經邦等赴鄂省投効
駐田家鎮賊突至不能渡河中傷落水死入祀本邑昭忠祠
梁正秀以技勇始隨塔提軍歷湖南江西各處戰功薦保至花
翎參將咸豐十年復從田提軍協辦貴州軍務殲首逆安太
然等多名陞用副將圍尙大坪賊數月歸降甚眾時賊渠帥
何二約降有日尙未得間夜息營中爲仇所害

陳敬廷由軍功保至遊擊在金陵陣亡

謝永池由軍功保至遊擊咸豐十一年調貴州攻石阡四寨地

陣亡

楊興來由軍功保至都司與周學桂同事陣亡

劉安邦由武生保守備加都司銜在金陵陣亡

周在遠由軍功保守備加都司銜在金陵陣亡

熊俊與周學桂同事陣亡

劉復勝與周學桂同事陣亡

劉洛望同治四年以總兵銜入果毅營克復階州保記名總兵

武勇巴圖魯打靴尖山陣亡

上諭照總兵陣亡例議恤

舒召南從田提軍剿黔省苗匪保藍翎守備同治五年陣亡

鄧錡字伯平原名立政立心堂弟也幼讀書善悟好臧否古

今人物應童子試不售遊黔中數年歸省二親復入蜀依其

兄心參贊戎務以功保縣丞綏遠之役心死之將入陝遇果

毅營劉軍門鶴齡於綿州行營時官兵圍綿州年餘不下鎗
爲畫方略克之故相得甚歡隨克階州等處保知縣同治七
年劉軍門奉調援黔復隨之拔鞞尖山各處堅巢保雲南府
遺缺知府加道銜八年克復黃平新舊兩城因分兵駐紮相
爲犄角疊著戰功丁內艱回籍數月復之營九年七月因積
勞病故請

旨優恤贈布政使銜世襲騎都尉

劉子貴咸豐年間應募 曾節相克復金陵以功歷保至副將
賞勇號同治四年從果毅軍劉鶴齡入川攻鞞尖山匪酋
王逆聚黨數百萬計不能克貴以單騎入賊壘諭降人咸危
之王逆竟心折歸款全活脅從甚衆七年復援黔克廟壩保

總兵果毅軍連下數百堅巢號匪肅清貴之力居多尋以積勞成疾卒於軍奉

旨以提督議恤

張洪貴同治初年粵匪踞金陵貴隨李提軍克復江西安徽及金陵等省歷保至花翎總兵銜授湖北參將未歷任病故

戴光喜咸豐九年髮逆圍寶慶投效劉制軍長右營年餘後隨曾帥克復江皖各處歷著戰功屢保花翎副將加提督銜同治五年在貴州營中病故

附陣亡孝子二名

黃家清咸豐二年賊圍省城隨父永順協王村汛把總黃士位助戰受傷陣亡咸豐四年八月

旌

黃河清家清之弟咸豐四年桑植縣土匪滋事代父黃士位殺賊陣亡咸豐七年

旌

論曰岳忠武謂武官不怕死則天下太平故古於武職以死官稱焉自髮逆弄兵激之死緩者豈此三十餘人已哉其憤不顧身殞於矢石名位未顯不著篇章者甚夥故無論生者與死者福命不同卽死者與死者福命猶不同也然名存軍帖獲祀昭忠永享特豚亦不愧爲鬼雄矣